

**UPRAVA POLICIJE, MINISTARSTVO UNUTRAŠNJIH POSLOVA KANTONA SARAJEVO, ul. La Benevolencija broj 16, ID broj: 4200220350146 koju zastupa policijski komesar, generalni inspektor policije Nusret Selimović (u daljem tekstu: Ugovorni organ)**

**i**

**Refam Creative Solutions – REC d.o.o., Sarajevo, Jukićeva 2, ID broj: 4200545220001, kojeg zastupa direktor Fadil Šero, (u daljem tekstu: Davaoac usluga)**

**Zaključili su:**

## **UGOVOR O STRUČNOM USAVRŠAVANJU**

### **Član 1.**

Predmet ovog ugovora je pružanje usluga stručnog usavršavanja policijskih službenika i državnih službenika Uprave policije Ministarstva unutrašnjih poslova Kantona Sarajevo iz oblasti zaštite na radu.

### **Član 2.**

Pružanje usluga stručnog usavršavanja policijskih službenika, državnih službenika i namještenika se vrši na osnovu provedenog postupka dodjele ugovora za neprioritetne usluge u skladu sa članom 8. Zakona o javnim („Službeni glasnik BiH“ broj: 39/14) i u skladu sa odredbama Pravilnika o postupku dodjele ugovora o uslugama iz Aneksa II dio B Zakona o javnim nabavkama ("Službeni glasnik BiH", broj 66/16), a na osnovu Odluke broj 02-11-4-1302/21 od 08.03.2021. godine.

Sastavni dio ovog ugovora je ponuda Davaoca usluga bb od 21.09.2021. godine.

### **Član 3.**

Ukupna ugovorena vrijednost za predmetne usluge iznosi 1.905,00 (jednahiljadadevetstotinapet i 00/100) KM bez PDV-a.

### **Član 4.**

Usluge stručnog usavršavanja iz člana 1. i 2. ovog ugovora će se izvoditi u prostorijama ugovornog organa, a u ukupnom trajanju od 2 radna dana.

Period održavanja stručnog usavršavanja je 29.09.2021. godine i 30.09.2021. godine, sa početkom u 10.00 sati i trajanjem do 16.00 sati.

### **Član 5.**

Usluge stručnog usavršavanja iz člana 1. i 2. ovog ugovora će se izvoditi od strane ovlaštenih predavača, kroz program edukacije iz oblasti zaštite na radu, sačinjen od sljedećih tematskih poglavlja:

1. Pregled osnovnih instituta novog Zakona o zaštiti na radu;
2. Implementacija Zakona o zaštiti na radu;
3. Pravila o procjeni rizika;
4. Ovlaštene organizacije za vršenje procjene rizika i obavljanje drugih stručnih poslova iz oblasti zaštite na radu;
5. Postupak skraćivanja radnog vremena kod poslodavca;
6. Periodični pregledi i ispitivanja iz oblasti zaštite na radu; i
7. Nabavka usluge procjene rizika.

**Član 6.**

Ugovorni organ se obavezuje da će Davaocu usluga prethodno, a prije dana početka održavanja, dostaviti spisak policijskih službenika, državnih službenika i namještenika koji će pohađati predmetno stručno usavršavanje.

**Član 7.**

Davalac usluga se obavezuje da će usluge stručnog usavršavanja policijskih službenika izvršiti u svemu u skladu sa ponudom, koja je sastavni dio ovog ugovora i da će odmah postupiti po eventualnim primjedbama Ugovrnog organa u pogledu nedostataka na ime kvaliteta izvršenih usluga.

**Član 8.**

Po okončanju stručnog usavršavanja Davalac usluga se obavezuje da svim učesnicima dodijeli certifikate.

**Član 9.**

Ugovorni organ će ugovorenu cijenu plaćati Davaocu usluga u roku od 30 (trideset) dana od dana dostavljanja uredne fakture, na tekući račun Davaoca usluga.

**Član 10.**

Na ostala prava i obaveze ugovornih strana, koja nisu regulisana ovim ugovorom, primjenjivat će se odredbe Zakona o obligacionim odnosima.

**Član 11.**

Sve eventualne nejasnoće nastale po ovom ugovoru, ugovorne strane će rješavati sporazumno. Ukoliko to nije moguće, za sve eventualne sporove nastale po ovom ugovoru nadležan je sud u Sarajevu.

**Član 12.**

Ugovorne strane su saglasne da se ovaj ugovor zaključi na određeno vrijeme. Ovaj ugovor je zaključen, kada isti potpišu obje ugovorne strane, a počinje važiti od datuma početka održavanja stručnog usavršavanja i traje do uredne realizacije ugovorenih obaveza ugovornih strana..

**Član 13.**

Ovaj ugovor je sačinjen u četiri (4) istovjetna primjerka, od kojih svaka ugovorna strana zadržava po dva (2) primjerka.

**DAVALAC USLUGA**  
**Refam Creative Solutions**  
**REC d.o.o.**

  
Direktor Fadil Šero



**UGOVORNI ORGAN**  
**MUP KANTONA SARAJEVO**  
**UPRAVA POLICIJE**

  
POLICIJSKI KOMESAR  
Generalni inspektor policije  
Nusret Selimović

Broj: BB  
Datum: 28.09.2021

Broj:02-11-4-1302-3/21  
Datum: 27.09.2021. godine